

**ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՀԻ ՁԵՎՈՎ «ՀԱՅԿԱԿԱՆ ԿԱՐԻՏԱՍ»
ԲԱՐԵՍԻՐԱԿԱՆ ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅԱՆԸ ՏՐԱՄԱԴՐՎՈՂ
ՖԻՆԱՆՍԱԿԱՆ ԱԶԱՅՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ
ՊԱՅՄԱՆԱԳԻՐ N ԴՏՊ-1032-11003/22-ԼՏ**

Քաղ. Երևան

07 փետրվար 2022թ.

Հայաստանի Հանրապետության աշխատանքի և սոցիալական հարցերի նախարարությունը, ի դեմս գլխավոր քարտուղար Սամվել Սուրադյանի (այսուհետ՝ պետական մարմին), որը գործում է պետական մարմնի կանոնադրության հիման վրա, մի կողմից, և Գազիկ Տարասյանը, ի դեմս «Հայկական Կարիտաս» բարեսիրական հասարակական կազմակերպության (այսուհետ՝ կազմակերպություն), որը գործում է կազմակերպության կանոնադրության հիման վրա, մյուս կողմից (այսուհետ՝ միասին՝ կողմեր), հիմք ընդունելով Հայաստանի Հանրապետության կառավարության 2021թ. դեկտեմբերի 23-ի N 2121-Ն որոշումը (այսուհետ՝ որոշում), «1032 «Խնամքի ծառայություններ 18 տարեկանից բարձր տարիքի անձանց» ծրագրի 11003 «Տարեցներին և հաշմանդամություն ունեցող անձանց ցերեկային խնամքի ծառայություններ» միջոցառման (այսուհետ՝ ծրագիր) իրականացման նպատակով կնքեցին սույն պայմանագիրը (այսուհետ՝ պայմանագիր)՝ հետևյալի մասին.

1. Պայմանագրի առարկան և գինը

1.1. Սույն պայմանագրով պետական մարմինը պարտավորվում է ծրագրի իրականացման նպատակով պայմանագրի 5.1 կետով սահմանված կարգով կազմակերպությանը հատկացնել որոշմամբ նախատեսված՝ գումարից մինչև 2 588 153 (երկու միլիոն հինգ հարյուր ութսունութ հազար հարյուր հիսուներեք) ՀՀ դրամ, իսկ կազմակերպությունը պարտավորվում է ծրագիրն իրականացնել որոշմամբ և սույն պայմանագրով սահմանված կարգով:

1.2. Ծրագրով նախատեսված՝ կազմակերպության կողմից իրականացվելիք միջոցառումները (այսուհետ՝ միջոցառումներ) ներկայացված են սույն պայմանագրի հավելվածում 1-ում: Ծրագիրն իրականացվում է Լոռու մարզի Տաշիր համայնքում ՀՀ պետական բյուջեի միջոցների հաշվին ամսական 25 և կազմակերպության միջոցների հաշվին՝ 25 տարեց և հաշմանդամություն ունեցող անձանց համար:

1.3. Պայմանագրի գինը կարող է փոփոխվել երկկողմ համաձայնությամբ՝ պայմանագրի 9.7 կետի համաձայն նոր համաձայնագիր կնքելու դեպքում:

2. Կողմերի իրավունքները և պարտավորությունները

2.1. Պետական մարմինն իրավունք ունի՝

2.1.1. ցանկացած ժամանակ (այդ թվում՝ ՀՀ ֆինանսների նախարարության միջոցով) ստուգելու կազմակերպության կողմից իրականացվող միջոցառումների ընթացքը և որակը՝ առանց միջամտելու վերջինիս գործունեությանը.

2.1.2. որոշմամբ սահմանված պահանջներին չհամապատասխանելու դեպքում չընդունելու իրականացված միջոցառումները՝ իր հայեցողությամբ սահմանելով թերությունների անհատույց վերացման ողջամիտ ժամկետ, և կազմակերպությունից պահանջելու վճարել սույն պայմանագրի 6.2 կետով նախատեսված տուգանքը.

2.1.3. առանց իրականացված միջոցառումների արդյունքների դիմաց գումար տրամադրելու՝ միակողմանի լուծելու սույն պայմանագիրը և պահանջելու հատուցել պատճառված վնասները, եթե՝

ա. կազմակերպությունը ժամանակին չի սկսում ծրագրի իրականացումը, կամ ծրագրի իրականացման ժամանակ ակնհայտ է դառնում, որ այն պատշաճ՝ պայմանագրով սահմանված կարգով և ժամկետներում չի իրականացվելու,

բ. կազմակերպությունը երկու և ավելի անգամ խախտել է ծրագրով նախատեսված առանձին միջոցառումների իրականացման ժամկետները (միջոցառումների իրականացման ժամկետներ նախատեսված լինելու դեպքում),

գ. իրականացված միջոցառումները չեն համապատասխանում ծրագրով սահմանված պահանջներին.

2.1.4. սույն պայմանագիրն ՀՀ օրենսդրությամբ կամ սույն պայմանագրով նախատեսված հիմքերով լուծելու դեպքում պահանջելու իրեն հանձնել անավարտ միջոցառումների արդյունքները:

2.2. Կազմակերպությունն իրավունք ունի՝

2.2.1. իրականացված միջոցառման արդյունքը պետական մարմնի կողմից ընդունվելու դեպքում պահանջելու վճարել իրեն հասանելիք գումարը.

2.2.2. պետական մարմնի կողմից գումարները չվճարվելու դեպքում միակողմանի լուծելու սույն պայմանագիրը և պահանջելու հատուցել իրեն պատճառված վնասները:

2.2.3 նախարարության համաձայնությունը ստանալու դեպքում՝ կատարել ՀՀ պետական բյուջեից տրամադրվող ֆինանսական միջոցների հոդվածային վերաբաշխում՝ բայց ոչ ավել, քան ֆինանսական առաջարկի ծախսային յուրաքանչյուր հոդվածի 10%-ի չափով:

2.3. Պետական մարմինը պարտավոր է՝

2.3.1. ծրագրով նախատեսված դեպքերում աջակցել կազմակերպությանը.

2.3.2. կատարել ծրագրի (առանձին միջոցառումների) իրականացման մոնիթորինգ՝ անհրաժեշտության դեպքում համագործակցելով այլ պետական կառավարման մարմինների հետ.

2.3.3. իրականացնել ծրագրով նախատեսված այլ աշխատանքներ.

2.3.4. իրականացված միջոցառման մասին ներկայացված կատարողական հաշվետվությունների վերաբերյալ համապատասխան որոշում ընդունել պայմանագրի 4.2 կետում նշված ժամկետում:

Եթե ներկայացված հաշվետվությունների համաձայն իրականացված միջոցառումը համապատասխանում է ծրագրի և սույն պայմանագրի պահանջներին, ապա դրանք ընդունվում են:

2.4. Կազմակերպությունը պարտավոր է՝

2.4.1. իրականացնել ծրագրի շրջանակներում պետական մարմնի կողմից տրամադրված գումարների՝ Հայաստանի Հանրապետության հաշվապահական հաշվառման N 20 ստանդարտի դրույթներին համապատասխան հաշվառում.

2.4.2. պայմանագրով նախատեսված ֆինանսական միջոցներն օգտագործել ծրագրով և (կամ) սույն պայմանագրով սահմանված նպատակներով ու չափաքանակներով.

2.4.3. կատարել պետական մարմնի կողմից բացահայտված թերությունների վերացման նպատակով տրված ցուցումները.

2.4.4. սույն պայմանագրով սահմանված կարգով մինչև հաշվետու ամսվան հաջորդող ամսվա 10-ը, իսկ դեկտեմբեր ամսվա համար մինչև դեկտեմբերի 20-ը, պետական մարմին ներկայացնել հանձնման-ընդունման ակտը՝ համաձայն սույն պայմանագրի N5 հավելվածի և հաշվետվություններ համաձայն սույն պայմանագրի N2 և N3 հավելվածների, ներկայացնել միջոցառումների իրականացման մասին հաշվետվություններ (այդ թվում եռամսյակային հաշվետվություն) մինչև հաշվետու ժամանակահատվածի հաջորդ ամսվա 10-ը, իսկ դեկտեմբեր ամսվա և 4-րդ եռամսյակի համար մինչև դեկտեմբերի 20-ը: Ծրագրի ավարտից հետո՝ 10 աշխատանքային օրվա ընթացքում ներկայացնել ամփոփ հաշվետվություն:

2.4.5. սույն պայմանագրի գործողության ընթացքում ապահովել ծրագրի իրականացմանը վերաբերող փաստաթղթերին ծանոթանալու պետական մարմնի հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում.

2.4.6. պետական մարմնի կողմից առանձին միջոցառումների իրականացման մասին հաշվետվությունները չընդունվելու դեպքում կազմակերպությունը պարտավորվում է անվճար՝ պետական մարմնի կողմից սահմանված ողջամիտ ժամկետում վերացնել արձանագրված անհամապատասխանությունները.

2.4.7. Պայմանագրով սահմանված միջոցառումների տարեկան արդյունքները թերակատարելու դեպքում, դրա արդյունքում առաջացած գումարները վերադարձնել ՀՀ պետական բյուջե՝ մինչև տվյալ բյուջետային տարվա նախավերջին աշխատանքային օրը:

2.4.8. Սույն պայմանագրի 4.1-րդ կետով սահմանված հանձնման-ընդունման ակտի հետ միաժամանակ Նախարարություն ներկայացնել կատարված փաստացի ծախսերի վերաբերյալ ՀՀ ֆինանսների և էկոնոմիկայի նախարարի 2007 թվականի հունվարի 9-ի N 5-Ն հրամանով սահմանված տնտեսագիտական դասակարգման սինթետիկ հաշվառմամբ հաշվետվությունը՝ համաձայն սույն պայմանագրի N 3 հավելվածի: «Հաշվետվությանը կից անհրաժեշտ է ներկայացնել ՀՀ պետական բյուջեից փոխհատուցման ենթակա գումարների մասով կատարված ծախսերը հիմնավորող փաստաթղթեր, ինչպես օրինակ՝ հաշիվ ապրանքագրեր, վճարման հանձնարարականներ, աշխատաժամանակի հաշվարկի

թերթիկ, աշխատավարձի հաշվարկի կամ վճարման տեղեկագրեր, ճանապարհածախսերի փոխհատուցման թերթիկ և այլն»:

3. Մոնիթորինգը

3.1. Նախարարությունը ծրագրի իրականացման նախնական, ընթացիկ և վերջնական արդյունքների համապատասխանության նպատակով իրականացնում է մոնիթորինգ:

3.2. Մոնիթորինգն իրականացվում է Նախարարության և/կամ նրա կողմից լիազորված կազմակերպության կամ անձի կողմից բացառապես նախօրոք մշակված հարցաթերթի միջոցով և/կամ ըստ անհրաժեշտության՝ առանց հարցաթերթի:

3.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով կազմակերպությանը տրվում են ցուցումներ և առաջարկություններ:

3.4. Նախարարությունը ցանկացած ժամանակ կարող է կատարվող գործողությունների շրջանակներում իրականացնել մոնիթորինգ՝ ուսումնասիրելով գործողություններին առնչվող ցանկացած փաստաթղթեր և նյութեր, ինչպես նաև կապ հաստատելով ծրագրի շահառուների հետ՝ նրանց շրջանում հարցում և եզրակացություն տալու նպատակով՝ առանց կազմակերպությանը տեղեկացնելու կամ ներգրավելու այս գործընթացում:

3.5. Մոնիթորինգի իրականացման ընթացքում կազմակերպությունից կարող են պահանջվել գրավոր ու բանավոր պարզաբանումներ և բացատրություններ:

3.6. Եռամսյակային հաշվետվությունների ներկայացված և համապատասխան հիմնավորող փաստաթղթերի հիման վրա բոլոր արդյունքային ցուցանիշների կատարողականը գնահատվում է համապատասխան վարչության կողմից՝ ըստ անհրաժեշտության ամփոփ վերլուծությունների և մոնիթորինգի վարչության հետ համատեղ:

4. Պայմանագրի արդյունքի հանձնման և ընդունման կարգը

4.1 Պայմանագրի արդյունքն ընդունվում է պետական մարմնի և կազմակերպության միջև հանձնման-ընդունման ակտի ստորագրմամբ:

Մինչև պայմանագրով ստանձնված պարտավորությունների կատարման համար նախատեսված օրը ներառյալ կազմակերպությունը էլեկտրոնային համակարգի միջոցով պետական մարմնին է տրամադրում իր կողմից ստորագրված՝ հանձնման-ընդունման ակտը (հավելված N 5) և հաշվետվությունը: Ընդ որում կազմակերպությունը հանձնման-ընդունման ակտը չի կնքում, հաստատում է էլեկտրոնային ստորագրությամբ՝ լրացնելով միայն այն սյունակները, որոնք վերաբերում են իր տվյալներին:

4.2 Եթե իրականացված միջոցառումը համապատասխանում է պայմանագրի պայմաններին, պետական մարմինը պայմանագրի 4.1 կետում նշված փաստաթղթերը ստանալու օրվան հաջորդող աշխատանքային օրվանից հաշված 10 աշխատանքային օրվա ընթացքում ստորագրում և էլեկտրոնային համակարգի միջոցով կազմակերպությանն է տրամադրում իր կողմից ստորագրված հանձնման-ընդունման ակտը:

4.3 Եթե իրականացված միջոցառումը կամ դրա մի մասը չի համապատասխանում պայմանագրի պայմաններին, ապա պետական մարմինը չի ստորագրում հանձնման-ընդունման ակտը և պայմանագրի 4.2 կետում նշված ժամկետում էլեկտրոնային համակարգի միջոցով կազմակերպությանը հետ է վերադարձնում հանձնման-ընդունման ակտը՝ նշելով դրա չստորագրման համար հիմք հանդիսացած անհամապատասխանությունը: Սույն կետի կիրառման դեպքում պետական մարմինը ձեռնարկում է նման իրավիճակի համար պայմանագրով նախատեսված միջոցները և կազմակերպության նկատմամբ կիրառում է պայմանագրով նախատեսված պատասխանատվության միջոցներ:

4.4 Եթե պայմանագրի 4.2 կետով սահմանված ժամկետում պետական մարմինը չի ընդունում պայմանագրի 4.1 կետում նշված փաստաթղթերը կամ չի մերժում դրա ընդունումը, ապա իրականացված միջոցառումը համարվում է ընդունված և պայմանագրի 4.2 կետով սահմանված վերջնաժամկետին հաջորդող աշխատանքային օրը պետական մարմինը էլեկտրոնային համակարգի միջոցով կազմակերպությանն է տրամադրում իր կողմից ստորագրված հանձնման-ընդունման ակտը:

5. Վճարման կարգը և ժամկետները

5.1. Կազմակերպությանը վճարումները կատարվում են հանձնման-ընդունման ակտի հիման վրա՝ սույն պայմանագրի վճարման ժամանակացույցով (հավելված N 4) նախատեսված ամիսներին, ըստ պայմանագրի շրջանակներում փաստացի իրականացված միջոցառումների կատարման արդյունքի:

Եթե արձանագրությունը կազմվում է տվյալ ամսվա 20-ից հետո և այդ ամսում վճարման ժամանակացույցով նախատեսված են ֆինանսական միջոցներ, ապա վճարումն իրականացվում է մինչև 30 աշխատանքային օրվա ընթացքում, բայց ոչ ուշ, քան մինչև տվյալ տարվա դեկտեմբերի 30-ը, եթե ծրագրով սահմանված չեն վճարումների կատարման այլ կարգ և (կամ) ժամկետներ:

6. Կողմերի պատասխանատվությունը

6.1 Կազմակերպությունը պատասխանատվություն է կրում սույն պայմանագրով ստանձնած պարտավորությունների չկատարման կամ ոչ պատշաճ կատարման համար:

6.2 Պայմանագրի N 1 հավելվածում նշված ծրագրին չհամապատասխանող պարտավորություն իրականացնելու յուրաքանչյուր դեպքում կազմակերպությունից գանձվում է տուգանք՝ պայմանագրի 1.1 կետում նախատեսված գումարի 0,5 (զրո ամբողջ հինգ տասնորդական) տոկոսի չափով: Ընդ որում՝ տուգանքը հաշվարկվում է նաև պայմանագիրը սահմանված ժամկետներում կատարելու, սակայն պետական մարմնի կողմից չընդունվելու, ինչպես նաև հաշվետվությունները պայմանագրով սահմանված ժամկետներում չներկայացնելու դեպքերում:

6.3 Պայմանագրով նախատեսված ծրագրի կատարման ժամկետը խախտելու դեպքում կազմակերպությունից յուրաքանչյուր ուշացված աշխատանքային օրվա համար գանձվում է տույժ՝ պայմանագրի 1.1 կետում նախատեսված գումարի 0,05 (զրո ամբողջ հինգ հարյուրերորդական) տոկոսի չափով:

6.4 Պայմանագրի 6.2 և 6.3 կետերով նախատեսված տուգանքը և տույժը հաշվարկվում և հաշվանցվում են միջոցառման իրականացման արդյունքում կազմակերպությանը վճարման ենթակա գումարների հետ: Տույժը հաշվարկվում է աշխատանքային օրերով՝ պայմանագրի չկատարված մասի գնի նկատմամբ:

6.5 Պետական մարմնի կողմից պայմանագրի 4.1 կետով նախատեսված ժամկետի խախտման դեպքում Պատվիրատուի նկատմամբ յուրաքանչյուր ուշացված աշխատանքային օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:

6.6 Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

6.7 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

7. Պայմանագրի գործողության ժամկետը

7.1. Պայմանագիրն ուժի մեջ է մտնում կողմերի ստորագրման պահից և գործում է մինչև կողմերի ստանձնած պարտավորությունների՝ ամբողջ ծավալով կատարումը: Սույն պայմանագրի գործողությունը տարածվում է կողմերի միջև 2022 թվականի հունվարի 1-ից ծագած հարաբերությունների վրա:

Պայմանագրով նախատեսված կողմերի իրավունքների և պարտականությունների կատարման պայման է հանդիսանում պայմանագիրը ՀՀ ֆինանսների նախարարության կողմից հաշվառված լինելու հանգամանքը:

8. Անհաղթահարելի ուժի ազդեցությունը (ՖՈՐՍ-ՄԱԺՈՐ)

8.1. Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում պայմանագրով նախատեսված պարտավորությունների

կատարումը: Եթե անհաղթահարելի ուժի ազդեցությունը շարունակվում է 3 ամսվանից ավելի, ապա կողմերից յուրաքանչյուրն իրավունք ունի լուծելու պայմանագիրը՝ դրա մասին նախապես տեղյակ պահելով մյուս կողմին:

9. Եզրափակիչ դրույթներ

9.1. ՀՀ օրենսդրությամբ սահմանված կարգով հաստատված դրամաշնորհային ծրագիրը (դրամաշնորհային ծրագիրը՝ պետք է բխի միջոցառումների նկարագրի պահանջներից և մեթոդական ցուցումներից) հանդիսանում է սույն պայմանագրի անբաժանելի մասը (հավելված 6):

9.2 այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ մրցույթի գործընթացում, մինչև պայմանագրի կնքումը, պայմանագրի կողմը ներկայացրել է կեղծ փաստաթղթեր (տեղեկություններ և տվյալներ), կամ վերջինիս հաղթող կազմակերպություն ճանաչելու մասին որոշումը չի համապատասխանում սույն կարգի պահանջներին, ապա այդ հիմքերն ի հայտ գալուց հետո պետական մարմինը միակողմանիորեն լուծում է պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում, Հայաստանի Հանրապետության օրենսդրության համաձայն, հիմք կհանդիսանային պայմանագիրը չկնքելու համար: Ընդ որում՝ պետական մարմինը չի կրում պայմանագրի միակողմանի լուծման հետևանքով պայմանագրի կողմի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով պետական մարմնի կրած վնասներն այն ծավալով, որի մասով պայմանագիրը լուծվել է:

9.3. Եթե պայմանագիրն իրականացվում է համատեղ գործունեության (կոնսորցիումի) պայմանագիր կնքելու միջոցով, ապա այդ պայմանագրի մասնակիցները կրում են համատեղ և համապարտ պատասխանատվություն: Ընդ որում, կոնսորցիումի անդամի կոնսորցիումից դուրս գալու դեպքում պայմանագիրը միակողմանիորեն լուծվում է և կոնսորցիումի անդամների նկատմամբ կիրառվում են պայմանագրով նախատեսված պատասխանատվության միջոցները:

9.4. Կազմակերպության կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը պետական մարմինը հրապարակում է իր պաշտոնական՝ <https://www.mlsa.am/?cat=142> կայքում՝ նշելով հրապարակման ամսաթիվը:

9.5. Կազմակերպությունը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելուն հաջորդող օրվանից: Պայմանագիրը միակողմանի լուծելու մասին ծանուցումը սույն կետում նշված կայքում հրապարակվելու օրը պետական մարմինը այն ուղարկվում է նաև կազմակերպության էլեկտրոնային փոստին:

9.6. Պայմանագրով ստանձնած պարտավորությունը դադարում է կատարման անհնարինությամբ, եթե դա առաջացել է այնպիսի հանգամանքից, որի համար կողմերից որևէ մեկը պատասխանատու չէ՝ պայմանագրի կատարման անհնարինության մասին ողջամիտ ժամկետում գրավոր ծանուցելով մյուս կողմին: Այդ դեպքում կողմերը իրավունք չունեն միմյանցից պահանջելու պարտավորության կատարում: Սույն կետում նշված պայմանագրի կատարման անհնարինության մասին ողջամիտ ժամկետում մյուս կողմին չծանուցելու դեպքում՝ չծանուցող Կողմը պարտավորվում է մյուս կողմին վճարել տուգանք՝ պայմանագրի 1.1 կետում նախատեսված գնի 1 %-ի չափով:

9.7. Պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են կողմերի կողմից:

9.8. Պայմանագիրը կնքվում է պայմանագրի կողմերի թվին համապատասխան թվով օրինակով, որոնք ունեն հավասարազոր իրավաբանական ուժ: Յուրաքանչյուր կողմին տրվում է պայմանագրի մեկ օրինակ:

9.9. Պայմանագրով նախատեսված պարտավորությունների չկատարման հետ կապված, ինչպես նաև սույն պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

10. Կողմերի հասցեները, բանկային վավերապայմանները և ստորագրությունները

Պետական մարմին

ՀՀ աշխատանքի և սոցիալական հարցերի նախարարություն

Ք.Երևան, Կառավարական տուն-3

ՀՀ ՖՆ գործառնական վարչություն

Հ/Հ 900011016798

ՀՎՀՀ 01506515

Նախարարության գլխավոր քարտուղար՝ Ա.Մուրադյան

(ստորագրություն)



Կազմակերպություն

«Հայկական Կարիտաս» բարեսիրական
հասարակական կազմակերպություն

Ք.Գյումրի Սարգսյան 3-րդ նրբ., 8տ.

«Ակրա-Կրեդիտ Ագրիկոլ Բանկ» ՓԲԸ «Շիրակ»
մ/ճ

Հ/Հ 220063350387000

ՀՎՀՀ 05514397

Գործադիր տնօրեն՝ Գ.Տարասյան

(ստորագրություն)



ՄԻՋՈՑԱՌՈՒՄՆԵՐ

Համառոտագիր

«Հայկական Կարիտաս» ԲՀ-ն տարիների շարունակ իրականացնում է տարեցների սոցիալական պաշտպանության և աջակցության ծրագրեր:

«Ցերեկային խնամքի կենտրոն» ծրագիրը Լոռու մարզի Տաշիր քաղաքում իրականացվում է 2007թվականից: Սույն ծրագրի առաջարկի միջոցով «Հայկական Կարիտասը» նպատակ ունի շարունակել տարեցների և/կամ 18 տարին լրացած հաշմանդամություն ունեցող անձանց ցերեկային խնամքի ծառայությունների մատուցումը, մասնավորապես.

Կենտրոնում տարեցներին և/կամ հաշմանդամություն ունեցող անձանց տրամադրվում են հետևյալ ծառայությունները՝

- ամենօրյա ցերեկային խնամք,
- ազատ ժամանցի և զբաղվածության կազմակերպում՝ ըստ շահառուի նախասիրության
- օրը մեկանգամյա սննդի տրամադրում՝ (շաբաթական 5 օր)
- մշակութային միջոցառումների, հանդիպումների և էքսկուրսիաների, տարբեր խմբակների կազմակերպում
- Բուժքույրական խնամքի, խորհրդատվության և աջակցության տրամադրում, ներառյալ առաջին անհրաժեշտության դեղորայք
- հոգեբանական աջակցության տրամադրում՝ ըստ գնահատված կարիքի:

Ծրագրի նկարագրություն

Տարեցները ցանկացած երկրի բնակչության անբաժանելի մասն են և արժանի են հարգանքի և ուշադրության: Տարեց բնակչությունը շատ հաճախ բախվում է տարբեր դժվարությունների ինչպիսիք են մենակությունը, ծերացման հետևանքով առաջացած հիվանդությունները, բուժման հնարավորությունների սակավությունը և այլն: Ֆունկցիոնալ ունակության նվազումը և տարբեր առողջական գանգատներից տառապելը նշանակում է կախվածություն ուրիշներից առօրյա գործունեության իրականացման համար, որը կարող է դժվար լինել այդ տարիքում:

Հայաստանի բնակչությունը ծերանում է կյանքի տևողության, ցածր ծնելիության և արտագաղթի բարձր մակարդակի հետևանքով: Ըստ Հայաստանի վիճակագրական ծառայության տվյալների՝ բնակչության 11,6 տոկոսը 65 և ավելի տարեկան է, իսկ 2050 թվականին կանխատեսվում է, որ մասնաբաժինը կաճի մինչև 22 տոկոս՝ համաձայն UNFPA-ի: Ըստ վիճակագրության՝ Հայաստանում աղքատության մակարդակը կազմում է մոտավորապես 30%, 60-64 տարեկանների շրջանում՝ 24%, իսկ 65 և բարձր տարիքի մարդկանց մոտ՝ 32%:

Հայաստանում տարեցների խնամքը լայնորեն դիտարկվում է որպես ընտանիքի պարտականություն: Կան քիչ խնամքի հաստատություններ և նույնիսկ ավելի քիչ տնային խնամք տրամադրողներ: Անբավարար ենթակառուցվածքները, հատկապես գյուղական վայրերում, սահմանափակում են տարեցների անկախությունն ու շարժունակությունը: Քիչ ուշադրություն է դարձվում տարեցների կրթությանն ու ուսուցմանը որպես ցկյանս ուսուցման ծրագրերի մաս:

Հայաստանի սոցիալական պաշտպանության համակարգը չի կարող ապահովել տարեցների համար արժանապատիվ կյանքի պայմաններ: Կենսաթոշակը չի կարող հոգալ նույնիսկ մարդկանց տարրական կարիքները: Բարձրարժեք առողջապահական ծառայությունները և բժշկական ապահովագրության

բացակայությունը, դեղերի գնի անընդհատ բարձրացումը տարեցներին դարձնում են խիստ խոցելի, քանի որ նրանք չեն կարող իրենց սահմանափակ եկամուտով հոգալ ծախսերը: Բացի արտաքին գործոններից, կան նաև այլ խոչընդոտներ, ինչպիսիք են տարեցների խնդիրները (շարժունակությունը, կյանքի ընթացքում կուտակված առողջական խնդիրները, մատչելիությունը և այլն), որոնք խոչընդոտում են հասարակության մեջ նրանց սոցիալականացմանն ու ինտեգրմանը:

«Հայկական Կարիտաս» ԲՀ-ը խորապես մտահոգված է երկրում տարեց բնակչության կենսապայմաններով: Այն մեծ ուշադրություն է դարձնում տարեցների հիմնախնդիրներին, և «Սոցիալական ներառումը և տարեցների խնամքը» ՀԿ-ի հիմնական ռազմավարական ուղղություններից մեկն է: 2006 թվականին Կարիտասը նախաձեռնել է «Ծերերի ցերեկային կենտրոն» Շիրակի մարզում՝ Գյումրի քաղաքում, իսկ 2007 թվականից նմանատիպ կենտրոնը սկսել է գործել Լոռու մարզում՝ Տաշիր քաղաքում: Ներկայումս ծրագիրը սպասարկում է 100 շահառուի երկու մարզերում:

Այս ծրագրի միջոցով «Հայկական Կարիտաս» ԲՀ-ը շարունակելու է Տաշիրում տարեցների ցերեկային խնամքի ծառայությունների մատուցումը, մասնավորապես.

ա) ինտեգրված խնամքի ծառայությունների տրամադրումը բոլոր նրանց, ովքեր իրենց ամենօրյա կենսագործունեության համար կախված են իրենց ընտանիքի անդամներից, կամ չունեն ընտանիքի անդամներ, կամ ընտանիքի անդամներն ի վիճակի չեն խնամք ապահովել (օրինակ՝ սննդարար սնունդ, բուժքույրական խնամք՝ բժշկական զննում, առողջական խորհրդատվություն և այլն, հիգիենայի խնամք՝ լոգանք, մազերի հարդարում, լվացքի ծառայություններ և այլն)

բ) վերականգնողական ծառայության մատուցում.

գ) սոցիալական և ռեկրեացիոն գործունեության ապահովում.

դ) տարեցների համար այլ մարդկանց հետ սոցիալական կապեր պահպանելու հնարավորությունների ապահովում.

ե) խորհրդատվության և ուղղորդման ծառայության տրամադրում.

Կազմակերպության փորձառությունը

«Հայկական Կարիտաս» բարեսիրական ՀԿ-ն կենտրոնացնում է իր ներքին ջանքերը առավել խոցելի սոցիալական խմբերի պաշտպանության, խնամքի և ներառման, առաջնային առողջության պահպանման, համայնքապետական զարգացման ծրագրերի, հայրենիք վերադարձողների կայուն վերաինտեգրման միջոցառումների, մարդասիրական ու զարգացման գործողությունների իրականացմանը:

«Հայկական Կարիտաս»-ը գործունեության սկզբից ի վեր ցուցաբերել է անմիջական աջակցություն հազարավոր մարդկանց Հայաստանի 125 համայնքներում:

Հայկական Կարիտասի առաքելությունն է «Սիրով ու սրտացավությամբ ծառայել տարբեր խոցելի խմբերի՝ հարգելով յուրաքանչյուրի արժանապատվությունը»: Նրա տեսլականն է լինել հզոր և կարևոր դերակատար Հայաստանի Հանրապետությունում սոցիալական արդարության և սոցիալական պաշտպանության հարցում:

«Հայկական Կարիտաս»-ն ունի 7 ռազմավարական ուղղություն.

- Երեխաների սոցիալական պաշտպանություն
- Հաշմանդամություն ունեցող անձանց սոցիալական ներառում
- Տարեցների սոցիալական ներառում եվ խնամք
- Աղետների դիսկի նվազեցում եվ արագ արձագանք արտակարգ իրավիճակներին

- Համայնքային զարգացում
- Միգրացիա եվ ինտեգրացիա
- ՀԿ-ի կազմակերպական զարգացում:

«Հայկական Կարիտաս» -ը իրականացնում է ծրագրեր ՀՀ Շիրակի, Լոռու, Գեղարքունիքի, Արարատի մարզերում և Երևանում:

ՏԱՐԵՑՆԵՐԻ ՍՈՑԻԱԼԱԿԱՆ ՆԵՐԱՌՈՒՄ ԵՎ ԽՆԱՄՔ ռազմավարական ուղղության նպատակն է ապահովել դժվարին իրավիճակներում ապրող տարեցների համար սոցիալական կարիքների բավարարման մեխանիզմները, համայնքային կյանքին նրանց ինտեգրման ու ակտիվ կենսակերպ վարելու հնարավորությունները:

ՀԱՇՄԱՆԴԱՄՈՒԹՅՈՒՆ ՈՒՆԵՑՈՂ ԱՆՁԱՆՑ ՍՈՑԻԱԼԱԿԱՆ ՆԵՐԱՌՈՒՄ ռազմավարական ուղղության նպատակն է հզորացնել հաշմանդամություն ունեցող անձանց կարողությունները և նրանց համար ստեղծել հասանելի միջավայր:

Տարեցների սոցիալական պաշտպանության և աջակցության ծրագրեր իրականացվում են 2002 թվականից, իսկ հաշմանդամություն ունեցող անձանց ներառման ոլորտում՝ 2007 թվականից:

Ծրագրի նպատակը, խնդիրներն ու ակնկալվող արդյունքները

Ծրագրի նպատակը

Նպաստել Լոռու մարզի Տաշիր քաղաքում կյանքի դժվարին իրավիճակում հայտնված տարեց և/կամ հաշմանդամություն ունեցող 18 տարին լրացած անձանց կյանքի որակի բարելավմանը՝ սոցիալական հոգածության ցերեկային կենտրոնում խնամքի, զբաղվածության և ազատ ժամանցի կազմակերպման ծառայությունների միջոցով:

Ծրագրի խնդիրները

1. Ապահովել 50 տարեցի և/կամ հաշմանդամություն ունեցող 18 տարին լրացած անձանց համար առողջ և արժանապատիվ կյանք՝ տրամադրելով որակյալ ինտեգրված խնամքի ծառայություններ:
2. Աջակցել 50 տարեց և/կամ հաշմանդամություն ունեցող 18 տարին լրացած անձանց ինտեգրվելու համայնքային կյանքին՝ ներգրավելով նրանց մշակութային և սոցիալական տարբեր միջոցառումներում:

Ակնկալվող արդյունքները

Ծրագրի արդյունքում աջակցող ծառայությունների մատուցման շնորհիվ ակնկալվում է ունենալ հետևյալ դրական ազդեցությունը.

- Կայուն խնամքի ծառայությունների միջոցով բարելավված է տարեցների կյանքի որակը:
- Շահառուները հնարավորություն ունեն իրենց օրվա մեծ մասն անցկացնել անվտանգ, հարմարավետ միջավայրում:
- Շահառուները Կենտրոնում ապահովվում են դիետիկ և սննդարար սնունդով (թեյ/սուրճ/թխվածք/մրգեր նախաճաշի համար և միանգամյա տաք սննդարար կերակուր ճաշի համար):
- Տարեցների կայուն առողջական վիճակը պահպանվում է ամենօրյա կանոնավոր բժշկական խնամքի և դեղամիջոցների տրամադրման միջոցով:
- Հիգիենայի պահպանումը ու տրամադրվող խնամքը նրանց դարձնում է ավելի համարձակ և ինքնավստահ:

[illegible]

հասարակական կյանքի գոյություն ունեցող որոշ օրինաչափությունների փոփոխություն, իսկ որոշների՝ արգելք: Այսպիսով, ստեղծվեց նոր իրավիճակ, որտեղ հասարակական հարաբերությունների որոշ նախկին կանոնակարգեր սկսեցին չգործել, իսկ նոր կանոնակարգերին հարմարվելու համար հարկավոր էր ժամանակ: Ելնելով նման արտակարգ իրավիճակում մարդկանց կյանքի և առողջության ապահովման գերակայության սկզբունքից, ինչպես նաև համաճարակի կանխարգելման, համաճարակային իրադրության պայմաններում շահառուների պաշտպանության, առողջության պահպանման և առողջական վիճակի բարելավման անհրաժեշտությունից «Հայկական Կարիտասը» որդեգրել է կանխարգելիչ մոտեցումներ՝

- հոգալ շահառուների առողջության վիճակի, հիգիենայի պահպանման մասին, հորդորել շահառուներին ցերեկային կենտրոնի տարածքում պահպանել հակահամաճարակային կանոնները:
- պահպանել հակահամաճարակային կանոնները:
Առանց դիմակի և ձեռնոցների չչփվել շահառուների հետ, հաճախակի փոխել դիմակներն ու ձեռնոցները, օգտագործել ախտահանիչ միջոցներ, որոշակի պարբերականությամբ ախտահանել տարածքը, ամենօրյա ռեժիմով լվանալ և ախտահանել համազգեստը:
- Ամենաչնչին ախտանշանների դեպքում չչփվել շահառուների հետ:


Բացի վերոնշյալ ընդհանուր մոտեցումները 2020թվականին ցերեկային կենտրոնում մշակվել և աշխատակիցներ և շահառուների կողմից կիրառվում են հակահամաճարակային իրավիճակում գործելու հստակ կանոններ:

«Հայկական Կարիտաս» ի բոլոր աշխատակիցները ստացել են հակահամաճարակային իրավիճակի վերաբերյալ անհրաժեշտ տեղեկատվություն, պատվաստված են, ապահովում են բարենպաստ և առողջ միջավայրի նկատմամբ շահառուների իրավունքների իրացումը: Ցանկացած ճգնաժամային իրավիճակում կազմակերպությունը առաջնորդվում է շահառուակենտրոն մարդասիրական սկզբունքներով:

ՊԵՏԱԿԱՆ ՄԱՐՄԻՆ

ՀՀ աշխատանքի և սոցիալական հարցերի
նախարարություն

Նախարարության գլխավոր քարտուղար՝

 Մ. Մինասյան
(ստորագրություն) Գ. Տ.



ԿԱԶՄԱԿԵՐՊՈՒԹՅՈՒՆ

«Հայկական Կարիտաս» ԲՀԿ

Գործադիր տնօրեն՝

 Գ. Տարայան
(ստորագրություն) Գ. Տ.



Հավելված 2
2022 թ. փետրվար 07-ին
կնքված N ԴՏՊ-1032-11003/22-ԼՏ պայմանագրի

Դրամաշնորհային հաշվետվություն N _____

1. Ընդհանուր տեղեկատվություն

Ծրագրի անվանում	
Դրամաշնորհի N	
Դրամաշնորհատու կազմակերպություն	
Դրամաշնորհառու կազմակերպություն	
Ծրագրի իրականացման Ժամանակահատված	
Հաշվետու Ժամանակահատված	
Ներկայացման օր	
Հաշվետվության պատասխանատու (անուն, ազգանուն, պաշտոն)	

2. Բովանդակային հաշվետվություն

2.1 Խնդրում ենք թվարկել աշխատանքային պլանով և պայմանագրի թիվ 1 հավելվածով սահմանված միջոցառումների (այսուհետ՝ միջոցառում) շրջանակում կատարման ենթակա գործողությունները հաշվետու ժամանակահատվածի համար:

--	--

2.2 Խնդրում ենք նկարագրել ծրագրի առաջընթացն՝ ըստ սահմանված աշխատանքային պլանի (Գանտի աղյուսակ) և միջոցառումների, նշելով՝ Ձեր կողմից իրականացված գործողությունները և ստացված արդյունքները հաշվետու ժամանակահատվածի համար: Որքանով են նշված գործողությունները նպաստել տվյալ ծրագրի խնդիրների/նպատակի իրականացմանը:

--	--

Խնդրում ենք նշել հաշվետու ժամանակահատվածում մշակված նյութերի համացանցում տեղադրված հղումները՝ առկայության դեպքում (օրենսդրական առաջարկություններ, համառոտագրեր, հաշվետվություններ, մեդիա պրոդուկտներ և այլն)

--	--

2.3 Խնդրում ենք ներկայացնել հաշվետու ժամանակահատվածում քաղած դասերը և/կամ ծագած խնդիրները, որոնք խոչընդոտել են ծրագրի գործողությունների իրականացմանը:

--	--

2.4 Խնդրում ենք թվարկել հաջորդ հաշվետու ժամանակահատվածի համար նախատեսված գործողությունները (կցելով նաև շահառուների ցուցակը):

--	--

2.5 Խնդրում ենք նշել, Ձեր կողմից իրականացված այն գործողությունները, որոնք նախատեսված չեն եղել ծրագրի աշխատանքային պլանով, բայց իրականացվել են ծրագրի նպատակին հասնելու համար:

--	--

ՊԵՏԱԿԱՆ ՄԱՐՄԻՆ

ՀՀ աշխատանքի և սոցիալական հարցերի
նախարարություն

Նախարարության գլխավոր քարտուղար

(ստորագրություն)

Ա. Ստրաղյան
Կ. Տ.



ԿԱԶՄԱԿԵՐՊՈՒԹՅՈՒՆ

«Հայկական Կարիտաս» ԲՀԿ

Գործադիր տնօրեն

(ստորագրություն)

Գ. Տարապյան
Կ. Տ.



Շախմատի խոյվածներ	Հաստատված նախահաշիվ գումարը	Հաշվետու ժամանակահատվածում	Տարեկան անդամական
-------------------	-----------------------------	----------------------------	-------------------

[illegible]

Կազմակերպություն



ՎՃԱՐՄԱՆ ԺԱՄԱՆԱԿԱՅՈՒՅՑ*

Հավելված 4
2022 թ. փետրվարի 22 -ին
կնքված N ԴՏԳ-1032-11003/22-LS պայմանագրի

ՀՀ հազ. դրամ

Միջոցառման													
հրավերով նախատեսված չափաբաժնի համարը	Միջոցի պլանով նախատեսված (CPV) կոդը	անվանումը	Կատարման դինսագ կնքարձանները նախատեսվում է իրականացնել 2022 թ-ին՝ ըստ ամիսների, այդ թվում**										
			հունվար	փետրվար	մարտ	իսկոտ	դիկտո	հունիս	հուլիս	օգոստոս	սեպտեմբեր	հոկտեմբեր	նոյեմբեր
Լոտ 18 Լոտու մարզ –Տաշիր	999999999 /523	«Տարեցնեղին և հաշմանդամություն ունեցող անձանց ցերեկային խնամքի ծառայություններ» Լոտու մարզ –Տաշիր	215.7	431.4	647.0	862.7	1078.4	1294.1	1509.8	1725.4	1941.1	2156.8	2372.5
												2588:153	2588:153

* Վճարման ենթակա գումարները ներկայացվում են աճուրդային կարգով: Եթե պայմանագիրը կնքվում է մինչև ֆինանսական միջոցների նախադրեումը, ապա սույն ժամանակացույցը լրացվում և կնքվում է ֆինանսական միջոցներ նախադրեակելու դեպքում կողմերի միջև կնքվող համաձայնագրի ինքի միաժամանակ՝ որպես դրա անբաժանելի մաս:

** Իրավերում գումարները նշվում են ԳՈԿԻՄԻ, իսկ պայմանագիրը կնքելիս ԳՈԿԻՄԻ ԳՈԿԻՄԻ ԳՈԿԻՄԻ նշվում է կրնկներ գումարի չափ

ՊԵՏԱԿԱՆ ՄԱՐՄԻՆ

Նախարարության գլխավոր քարտուղար՝

(ստորագրություն) Ս.Ս.Ս.Ս.



ԿԱԶՄԱԿԵՐՊՈՐԱՑՈՒՆ

«Հայկական Կարիտաս» ԲԵՆ Գործադիր տնօրեն՝

(ստորագրություն) Գ.Տարապյան



Հավելված 5
2022 թ. փետրվար 07 -ին
կնքված N ԴՏՊ-1032-11003/22-ԼՏ պայմանագրի

Պայմանագրի կողմ

գտնվելու վայրը _____
հհ _____
հվհհ _____

Պետական մարմին

գտնվելու վայրը _____
հհ _____
հվհհ _____

**ԱԿՏ N
ՊԱՅՄԱՆԱԳՐԻ ԿԱՄ ԴՐԱ ՄԻ ՄԱՍԻ ԿԱՏԱՐՄԱՆ ԱՐԴՅՈՒՆՔՆԵՐԻ
ՀԱՆՁՆՄԱՆ-ԸՆԴՈՒՆՄԱՆ**

« » « » 2022 թ.

Պայմանագրի անվանումը՝ Պետության կողմից դրամաշնորհի ձևով «Առաքելություն Հայաստան»
բարեգործական հասարակական կազմակերպությանը տրամադրվող ֆինանսական փաշակցության գումարների
օգտագործման մասին

Պայմանագրի կնքման ամսաթիվը՝ « » « » 2022 թ.

Պայմանագրի համարը՝ N ԴՏՊ-1032-11003/22-ԼՏ

Պետական մարմինը և Պայմանագրի կողմը՝ հիմք ընդունելով պայմանագրի կատարման վերաբերյալ
ներկայացված ----- հաշվետվությունը, կազմեցին սույն արձանագրությունը հետևյալի մասին.

Պայմանագրի շրջանակներում Պայմանագրի կողմը իրականացրել է հետևյալ միջոցառումները՝

անվանումը	գործառույթի համառոտ նկարագիրը	Իրականացված միջոցառման					
		արդյունքը		կատարման ժամկետը		Վճարման ենթակա գումարը /հազար դրամ/	Վճարման ժամկետը /ըստ պայմանա գրի/
		ըստ պայմանագրի	փաստացի	ըստ պայմանագրի	փաստացի		

Սույն արձանագրության երկկողմ հաստատման համար հիմք հանդիսացած իրադրությունները և
հաշվետվությունը հանդիսանում են սույն արձանագրության բաղկացուցիչ մասը և կցվում են:

Ծառայությունը հանձնեց

ստորագրություն

ազգանուն, անուն

Կ.Տ.

Ծառայությունն ընդունեց

ստորագրություն

ազգանուն, անուն

Կ.Տ.

Պետական մարմին
Նախարարության գլխավոր քարտուղար
Ս.Ս. Բախչյան
/ստորագրություն/



Կազմակերպություն
«Հայկական Կարիտաս» ԲՀԿ Գործադիր
տնօրեն
Գ.Տարապյան
/ստորագրություն/



Հավելված 6

«07» փետրվար 2022 թ-ին
կնքված N ԴՏԳ-1032-11003/22-ԼՏ պայմանագրի

ԴԱՍԱԾՆՈՐՀԱՅԻՆ ԾՐԱԳԻՐ

«ՏԱՐԵՑՆԵՐԻՆ ԵՎ ՀԱՇՎԱՆՈՒԹՅՈՒՆ ՈՒՆԵՑՈՂ ԱՆՁԱՆՑ ՑԵՐԵԿԱՅԻՆ ԽՆԱՄՔԻ ԾԱՌԱՅՈՒԹՅՈՒՆՆԵՐ» ԾՐԱԳՐԻ

«Տարեցներին և հաշմանդամություն ունեցող անձանց ցերեկային խնամքի ծառայություններ» ծրագրի հիմնական նպատակն է խնամքի կարիք ունեցող, կյանքի դժվարին իրավիճակում հայտնված՝ տարեց և/կամ հաշմանդամություն ունեցող անձանց (այսուհետ՝ այցելու) և միասնական սոցիալական ծառայության տարածքային կենտրոնի կողմից ուղեգրված սոցիալական հոգաժողության ցերեկային կենտրոններում սպասարկմամբ և օրը՝ մեկանգամյա սննդով կամ տաք ճաշով ապահովմամբ:

Դրանաշնորհիվ տրամադրվում է «Հայկական Կարիտաս» բարեգիտական հասարակական կազմակերպությանը (այսուհետ՝ Կազմակերպություն)՝ խնամքի կարիք ունեցող, կյանքի դժվարին իրավիճակում հայտնված՝ տարեց և/կամ հաշմանդամություն ունեցող անձանց սոցիալական հոգաժողության ցերեկային կենտրոններում սպասարկման ծառայությունների մատուցման և օրը՝ մեկանգամյա սննդով ապահովման նպատակով:

Դրանաշնորհի գումարը հաշվարկված է Լոռու մարզի Տաշիր համայնքի սոցիալական հոգաժողության ցերեկային կենտրոնում ամսական 25 այցելուի սպասարկմամբ և օրը՝ մեկանգամյա սնունդ տրամադրելու նպատակով: Դրանաշնորհի ծախսման ուղղությունները տնօրինում է կազմակերպությունը՝ ըստ իր հայեցողության և ներկայացված ծրագրի: Մյուս ծախսերը հոգում է ծառայություն մատուցող կազմակերպությունը:

Ծրագրի միջոցառման/ծառայության իրականացման նկարագիր

Դրամաշնորհի միջոցների հաշվին իրականացվող միջոցառման						
Անվանումը	Նկարագիրը	Կազմակերպության կողմից կատարման ենթակա գործողությունները	ակնկալվող արդյունքները և դրանց գնահատման չափանիշները	միջոցառման իրականացման վերջնաժամկետը	հաշվետվության ներկայացման կարգն ու ժամկետը	պահանջվող գումարը (դրամ)
«Տարեցներին և աշնանդամություն ունեցող անձանց շրեկային խնամքի արույություններ»	Միջոցառման շրջանակում Լոռու մարզի Տաշիր համայնքում ամսական 25 այցելուի զբաղվածության, ազատ ժամանցի ապահովում, միջոցառումների և խմբակների կազմակերպում, սոցիալական խորհրդատվության, ինչպես նաև մեկ անգամյա սննդի տրամադրում	Կազմակերպությունը ցերեկային ժամերին ծառայություններ է մատուցում տարեց և (կամ) աշնանդամություն ունեցող անձանց (այսուհետ՝ շահառու)։ 1) ցերեկային կենտրոնի շահառուների անհատական սոցիալական կարիքի գնահատում. 2) զննախառված կարիքներին համապատասխան անհատական սոցիալական ծրագրի կազմում. 3) ազատ ժամանցի և զբաղվածության կազմակերպում՝ ըստ շահառուի նախապրդության. 4) օրը մեկ անգամյա սննդի տրամադրում՝ (շաբաթական 5 օր). 5) նշակութային	1) Սոցիալական աշխատանքի իրականացում՝ ըստ անհրաժեշտության, բայց ոչ պակաս, քան յուրաքանչյուր շահառուի տարեկան առնվազն 4 անգամ՝ կատարելով համապատասխան գրառումներ՝ ըստ առանձին ծառայությունների, նշելով՝ ծառայություն ստացած անձանց անուն, ազգանունը և ծառայությունից օգտվելու ամսաթիվը, ինչպես նաև՝ համապատասխան գրառում շահառուների անհատական սոցիալական ծրագրում.	31.12.2022 թվական	Էլեկտրոնային ըովանդակային հաշվետվությունների ներկայացման ժամկետը	2 588 153 (Երկու միլիոն հինգ հարյուր ութսունութ հազար հարյուր հիսուներեք)
			(info@mlsa.am էլեկտրոնային հասցեին ուղարկելու միջոցով)			

միջոցառումների, հանդիպումների և էքսկուրսիաների, տարբեր խմբակների կազմակերպում. 6) օրենսդրությամբ նախատեսված այլ ծառայությունների տրամադրում:	2) բուրդ շահառուների կտրիքների գնահատում տարեկան առնվազն 4 անգամ, յուրաքանչյուր եռամսյակ՝ 1 անգամ, կատարելով համապատասխան գրառում շահառուների անհատական սոցիալական ծրագրերում.
Կազմակերպությունը ցերեկային կենտրոնում ծառայությունների տրամադրման համար պետք է ղեկավարվի՝ «Սոցիալական աջակցության մասին» ՀՀ օրենքով, ՀՀ կառավարության 2015 թվականի սեպտեմբերի 25-ի «Երեխաների, տարեց և (կամ) հաշմանդամություն ունեցող անձանց խնամքի տրամադրման կարգը և պայմանները սահմանելու, տարեց և (կամ) (կամ) հաշմանդամություն ունեցող անձանց խնամքի տրամադրումը մերժելու հիմք հանդիսացող հիվանդությունների ցանկը հաստատելու և Հայաստանի Հանրապետության մի շարք	3) շահառուների ընդհանուր թվից առնվազն 30%-ի ներգրավվածության ապահովում զբաղվածության տարբեր խմբակներում, - կատարելով համապատասխան գրառումներ հատուկ գրանցամատյաններում՝ ըստ խմբակների, ցերեկային կենտրոնում կազմակերպվում է նվազագույնը երկու խմբակ.

որոշումներ ուժը կորցրած՝ ճանաչելու մասին» N1112-Ն որոշումով, ՀՀ կառավարության 2016 թվականի հոկտեմբերի 27-ի «Պետության կողմից երաշխավորված՝ պետական մարմինների ենթակայության ներքո գտնվող սոցիալական ծառայություններ տրամադրող կազմակերպությունների կողմից անվճար տրամադրվող սոցիալական ծառայությունների ու սոցիալական աջակցության վճարովի ծառայությունների ցանկերը և սոցիալական աջակցության վճարովի ծառայությունների տրամադրման, սոցիալական աջակցության վճարովի ծառայություններից ձևավորված ֆինանսական սոցիալական աջակցության ֆինանսավորման դեպքերն ու կարգը սահմանելու մասին» N 1112-Ն որոշումով և դրոշով կանոնակարգող այլ իրավական ակտերով:	4) նշակութային միջոցառումների և էքսկուրսիաների կազմակերպում տարեկան առնվազն 12 անգամ, յուրաքանչյուր եռամսյակ՝ առնվազն 3 միջոցառում (տեղում կամ՝ արտագնա), ապահովելով յուրաքանչյուր միջոցառմանը կենտրոնի շահառուների ընդհանուր թվի առնվազն 70%-ի մասնակցությունը և այդ մասին կատարել համապատասխան գրառումներ դրա համար նախատեսված՝ գրանցամատյանում՝ նշելով միջոցառման անվանումը, իրականացման վայրը, ամսաթիվը, մասնակիցների անուն, ազգանունները:			
--	---	--	--	--

Ծրագրի գնահատումը

Նշված բոլոր արդյունքային ցուցանիշների կատարողականը գնահատվում է Պայմանագրի N2 և N3 հավելվածների համաձայն հաստատված ֆինանսական և եռամսյակային հաշվետվությունների, նախարարության կողմից իրականացված մշտադիտարկման արդյունքների վերլուծության հիման վրա, ինչպես նաև ՏՀ-ում լրացված տեղեկատվության վերլուծության արդյունքների հաշվառմամբ:

Նշված ցուցանիշների համադրման արդյունքում հնարավոր կլինի գնահատել ծրագրի արդյունավետությունը, ինչպես նաև տրամադրել առաջարկություններ կազմակերպության որակական ցուցանիշների կատարողական արդյունքների հետագա բարելավման համար: Կազմակերպության իրականացված ծրագիրը գնահատվում է բավարար, եթե վերը նշված արդյունքային բոլոր ցուցանիշները, ըստ ներկայացված եռամսյակային հաշվետվության, կատարվել են նվազագույնը 75%-ով:

ՊԵՏԱԿԱՆ ՄԱՐՄԻՆ

Նախարարության գլխավոր քարտուղար՝

A. Impechpue

Ա. Մարտիան

(ստորագրություն)



ԿԱԶՄԱԿԵՐՊՈՒԹՅՈՒՆ

«Հայկական Կարիտաս» ԲՀ-ի Գործադիր տնօրեն՝

(ստորագրություն)

A. S. Surmashyan

Գ. Տարաշյան

